

«Կարմրահեր կինը». ոճիր և պատիճ»

Դանիելյան Մ. Դ.

ԵՊՀ Հայ գրականության ամբիոնի մագիստրոս (Երևան, Հայաստան)

danielyanmane96@mail.ru

Վճռորոշ բառեր՝ այլաբանություն, խորհրդանշ, հոգեբանություն, հոգեվերլուծություն, հայր և որդի, ոճիր և պատիճ, կարմրահեր կին, ջրհոր, ճակատազիր

""Рыжеволосая женщина". преступление и наказание"

Даниелян М. Д.

Магистр кафедры Армянской Литературы ЕГУ (Ереван, Армения)

danielyanmane96@mail.ru

Аннотация: В этой статье по роману Орхана Памука «Рыжеволосая женщина» мы рассмотрели сюжетные и психологические связи между сочинением вышеуказанного автора и трагедией Софокла «Царь Эдип», подчеркивая литературно-художественную ценность романа «Рыжеволосая женщина».

Писатель продолжает дело своих предшественников (Софокл, Достоевский, Фирдуси) и по-новому выявляет тему фатализма, которая наилучшим образом отражает параллели напряженных взаимоотношений отец-сын, сын-отец.

Ключевые слова: Аллегория, символ, психология, психоанализ, комплекс, преступление, наказание, отец и сын, отечественный, рыжеволосая женщина, колодец, судьба

""The Red-haired Woman". Crime and punishment"

Danielyan M. D.

Master of the Department of Armenian Literature (Yerevan, Armenia)

danielyanmane96@mail.ru

Abstract: In this article, based on Orhan Pamuk's novel "The Red-haired Woman", we examined the plot and psychological links between the work of the above author and the tragedy of Sophocles "Oedipus Rex", emphasizing the literary and artistic value of the novel "The Red-haired Woman".

The writer continues the work of his predecessors (Sophocles, Dostoevsky, Firdusy) and re-identifies the theme of fatalism, which best reflects the parallels of tense father-son, son-father relationships.

Keywords: Allegory, symbol, psychology, psycho-analysis, complex, crime, punishment, father and son, native, red-haired woman, well, fate

Ֆերիտ Օրհան Փամուր՝ թուրք գրող, հասարակական գործիչ, միջազգային մի շարք հեղինակավոր մրցանակների դափնիկիր: 2006թ. արժանացել է Գրականության Նորելյան մրցանակի՝ Նորելյան հանձնախմբի հետևյալ ձևակերպմամբ. «Նրան, որն իր քաղաքի մելանխոլիկ հոգու որոնումներում հայտնագործել է մշակույթների բախման և խաչաձևման նոր խորհրդանշեր»: Գրողի ստեղծագործությունները թարգմանվել են աշխարհի ավելի քան 50 լեզուներով, այդ թվում նաև հայերեն: Հայտնի է Հայոց ցեղասպանության հարցի վերաբերյալ իր քաղաքացիական կեցվածքով, որը հակասում է թուրքական պաշտոնական դիրքորոշմանը: Փամուկն այն սակավաթիվ թուրքերից մեկն է, որը 1915թ. Եղեռնի առնչությամբ կիրառել է «ցեղասպանություն» բառը [5]:

Օրհան Փամուրի «Կարմրահեր կինը» վեաը լույս է տեսել Թուրքիայում 2016-ին, եթք նա

արդեն համբավավոր գրող էր. այս վեաը պիտի նոր բայլ լիներ հեղինակի հոչակը նաև Արևմտաք տարածելու գործում:

Վեաի բազմաթիվ գրախոսություններում նշվում են մի շարք հեղինակների և գործերի անուններ, որոնց ազդեցությունները ակնհայտ են Փամուրի վրա՝ Ֆիրդուսիից մինչև Սովորկես, Ստենդալից մինչև Կալվին, Մանից մինչև Կաֆկա, Պրուստից մինչև Դոստոևսկի, Ֆոլկերից մինչև Բորխես, Ջոյսից մինչև Էկո... Հետաքրքիր է, որ այդ ազդեցությունների ընդգծումը ոչ միայն չի ստվերում փամուրյան բնագիրը, այլև տեղի է ունենում ուղիղ հակառակը: Փամուրն ամենալավը գիտի այդ ազդեցությունների մասին և չի էլ փորձում թաքցնել դրանք: Իր ստեղծագործություններում Փամուրն օգտագործում է արևմտյան գեղագիտական ու փիլիսոփայական կոնցեպտներ, արևելյան գեղարվեստական սկզբունքներ, դիմում սուֆի միստիկների, այլաբանությունների,

համեմատում, հակադրում և փորձում ընդհանրացնել իսլամի և քրիստոնեության, Արևմուտքի և Արևելքի կրոնավիճակայական, գեղագիտական և կենաշահայեցողական մոտեցումներն ու սկզբունքները: Սա մի յուրիհնակ վեպ է, որում ուրույն փոխակերպմամբ զուգադրված են «Էղիպ արքայի», «Ռոստամ և Սոհրաբի», «Համեստի» սյուժեները, ինչպես նաև ակնհայտ են Դոստուկու «Ոճիր և պատիճ» ու «Կարամազով եղբայրներ» վեպերի մոտիվները: Ինչպես վերոնշյալ վեպերում, այնպես է «Կարմրահեր կինը» վեպում արծարծվում է ինքնության որոնման ու ճակատագրապահության թեման:

Այս ստեղծագործությունն այն եզակիներից է, որը միաժամանակ կարելի է քննել մի քանի մեթոդներով՝ հոգեվերլուծական, պատմահամեմատական, ստրուկտուրալիստկան և այլն:

Ոչինչ հենց այնպես չի լինում... Հենց այս ենթատեքստն է սրովկած Օրհան Փամուրի «Կարմրահեր կինը» վեպում:

«Կարմրահեր կինը» վեպի դիպաշարը զարգանում է Ստամբուլին մոտ գտնվող փոքրիկ մի քաղաքում՝ Օնզյորենում: Գիշավոր հերոսի՝ երիտասարդ Զեմի համար բախտորոշիչ են դառնում թափառաշրջիկ թատրոնի դերասանուհու՝ Կարմրահեր կնոջ հետ անսպասելի հանդիպումը և նրանց միջև առաջացած տարերային սերը: Անակնկալ ձևով փոփոխվում է սյուժետային կոնցեպցիան. բնութունը դառնում է հերոսի ներաշխարհի լավագույն արտահայտչամիջոցը. «ամպերը ցրվել էին, արևը դուրս էր եկել, մեր անխոտ, կիսաչոր հողն անզամ գույն էր ստացել: Աև ծովի ուղղությամբ մանուշակագույն բարձունքները տարօրինակ կապույտ էին ստացել...» [2, էջ 28]:

Թեև վեպը կրում է «Կարմրահեր կինը» խորագիրը և շատ առանցքային դեպքեր պատվում են կարմրահեր կնոջ շուրջ, ինչն էլ արդեն ինքնին հուշում է կրքի, կատարվելիք ոճիրի ու թափելիք արյան անխուսափելիության մասին, բայց պետք է փաստել, որ այն, նախ և առաջ, երկ է ճակատագրի անխուսափելիության մասին, որը լավագույնս արտահայտվում է որդի-հայր, հայր-որդի չատացված հարաբերությունների զուգահեռներում:

Առանձնակի արժեք է ներկայացնում գրողի ստեղծագործության ներկայանակը: Գոյնի գործածությունը կարևոր քաղադրիչ է, և, չնայած գունապնակը այդքան էլ խայտարդեն չէ (կա ընդամենը հինգ գույն՝ կարմիր, սև, նարնջագույն, կապույտ, մանուշակագույն), այնուամենայնիվ այն խոսուն է և դիպուկ: Մարդկային մտքի զարդնարաններում կարմիրը բոլոր ժամանակներում ասցացվում է վաս զգացմունքների՝ կրքի, տառապանքների,

անհնազանդության ու ցավի հետ: Օրհան Փամուրի հերոսների համար է կարմիրը դարնում է ամենատարբեր հոգեվիճակների ու հոլովերի արտահայտման միջոց, երիտասարդության, կյանքի արևածագի, նորաթռուի ու անփորձ և փորձված ու կորաված սերերի հակադրամիասնության խորհրդանիշ:

Վեպի կայացման կարևոր բաղադրիչը պատմողի ձայնն է, ավելի ճիշտ՝ երկայնությունը. վեպը երկու պատմող ունի, որոնցից յուրաքանչյուրը ներկայացնում է դեպքերը իր անունից և իր տեսանկյունից: Առաջին երկու գլուխներում պատմությունը պատմում է գիշավոր հերոսը, որը արդեն պատկառելի տարիքում էր: Իսկ երրորդ գլուխը, որը վերնագրված է «Կարմրահեր կինը», պատմվում է հենց Կարմրահերի կողմից: Գրքի առաջին էջերից տեսնում ենք հորից լրված մի երեխայի. տանից է հեռացել հայրը, բայց ոչ տղայի մտքերից. դա է պատճառը, որ ամբողջ վեպի ընթացքում մենք զգում ենք հոր ներկայությունը: Հեղինակն այստեղ օգտագործում է տարածամանակյա հատույքը և, դեպքերն արագացնելով, հերոսին բերում է երկաթուղի, ինչն էլ խորհրդանշում է անցյալը, այսինքն՝ սկիզբը: Տասնյոթամյա պատանին կյանքում առաջին անգամ հեռանում է մորից և մեկնում Օնզյորեն՝ վարպետ Մահմուդի հետ ջրհոր փորեկու: Հերոսների ճանապարհը երկարում է, և թվում է, թե անհնար կինի հասնել վերջնակետին, սակայն «միայն մայր մտնող արևի այրող շողերի ներք կարողացանք դուրս գալ քաղաքի...» [2, էջ 15]:

Օրհան Փամուրի այս ստեղծագործությունը ամբողջովին կառուցված է Ֆրոյդի հոգեվերլուծության մեթոդի վրա. Ֆրոյդը վերլուծում է մարդու հոգեկան կառուցվածքի անտեսանելի շերտերը, կապը այնկողմնային աշխարհի հետ, բնազների և գիտակցության հարաբերությունը, մարդու վարժագիծը և գործունեությունը պայմանավորող ներքին հոգեկան ազդակները՝ նա մարդկային հոգու ձևավորումը բաժանում է երեք ոլորտի՝ Այն (Իդ), Ես (Եզո) և Գեր Ես (Սուլակեր Եզո):

Այնը մարդու հոգևոր աշխարհի անգիտակալի մակարդակն է, որտեղ հիմնականում գործում են բնազները, որոնք ել արամարանության չեն ենթարկվում: Այն-ի հակումների մեջ Ֆրոյդը առաջնային տեղ է հատկացնում սերսուալ հակմանը: Ըստ Ֆրոյդի՝ սերսուալ հակումը դրսևորվում է ամենավաղ հասակից, նա կարծում է, որ տղա երեխայի մոտ երեք տարեկանից դա ի հայտ է գալիս, քանի որ մոր կուրծքը ծծող երեխան ոչ միայն կաթի պահանջ ունի, այև երտակ հաճույք է զգում մոր կուրծքը ծծելով: Մի քանի տարի անց տղա երեխան հորը իբրև հակառակորդ է ընկալում ու նրա նկատմամբ թշնամանք տածում. Ֆրոյդը սա

անվանում է Էղիպյան բարդույթ՝ մատնանշելով Սոփոկլեսի «Էղիպ արքա» ողբերգությունը։ Էղիպյան բարդույթը, ըստ Ֆրոյդի, ամբողջությամբ դրսւորվել է համաշխարհային գրականության երեք նշանակալից գործերում Սոփոկլեսի «Էղիպ արքա»-ում, Շեքսպիրի «Համետ»-ում և Դոստոևսկու «Կարամազով եղբայրներ»-ում։ Երեքում էլ կա հայրասպանություն և մրցակցություն կնոջ պատճառով [4, էջ 351]։

Հենց այսպիսի հոգերանությամբ է տառապում Օրիան Փամուքի հերոսը՝ Զեմը, ով անգիտակցորեն սիրահարվում է իրենից մոտ քանի մեծ Կարմրահեր կնոջը (պատահական չէ նաև կնոջ տարիքը՝ երեսուներեք), տարվում նրանով, այցելում նրանց թատրոն (ինչը արգելել էր անել վարպետ Մահմուդը), ապա խոսում Կարմրահեր կնոջ հետ, իսկ հետո կնոջ իսկ ցանկությամբ քնում նրա հետ, ինչն էլ ամբողջ կյանքում մնում է նրա իշխողության մեջ, դառնում նրա ճակատագրի խեղաթյուրման պատճառն ու ճակատագրական սիսար։

Հերոսը վարպետ Մահմուդին որպես հայր էր ընդունում, սիրում նրան որդու պես ու նեղանում նրանից, ինչպես որդին հորից։ Սակայն, Կարմրահեր կնոջից իմանալով, որ վարպետը բազմից այցելել է թատրոն, խոսել ու շփվել կնոջ հետ, սկսում է խանդել վարպետին։ Եվ հենց այդ մտքերի պատճառով էլ ուշադրությունը շեղվում է, և դրյալ ջրհորից հանելիս ընկնում է ցած՝ անհայտ թողնելով այնտեղ գտնվող վարպետի ճակատագրի։ Տղան շփոթմունիք մեջ փորձում է օգնություն խնդրել Կարմրահեր կնոջից, բայց հուսալըքվում է, երբ իմանում է, որ նրանք մենքնեն։ Հերոսը վերադառնում է ջրհորի մոտ։ Ճանապարհին «խոտերի արանքով ինչ-որ բանի վրա կանգնեցի ու խշրոց լսեցի։ Հետո տեսակրիային։ Եթե վարպետ Մահմուդի ու իմ բացած ճանապարհը ընտրեր, կկարողանար թաքնվել խոտերի արանքում։ Բայց մտքով չէր անցել։ Իմ անցնելիք ճանապարհն էր ընտրել՝ ճակատագրի պես, իսկ այժմ փորձում էր խուճապահը փախչել։ Գուցե ես էլ էի նույն բանն անում մտածելով, որ փախչում եմ իմ ճակատագրից, գուր բայլում էի սիսալ ճանապարհով...» [2, էջ 113]։

Կրիան ասցացվում է հարստության ու հաջողության հետ, բայց երեսն էլ այն տղամարդու պտղաբերության սիմվոլն է համարվում։ Վեպի վերջում պարզաբանվում է կրիայի ու Զեմի հանդիպումը։ Երջանիկ ու սիրով ընտանիք ստեղծած Զեմը երեխաներ չուներ և համակերպվել էր այդ մտքի հետ՝ բացելով ընկերություն և այն կոչելով «Սոփոկլես», սակայն տարիներ անց պարզվում է, որ Կարմրահեր կնոջ հետ անցկացրած երեկոն եղել է ճակատագրական...»

Այսպիսով, չիմանապով՝ ինչ անել և վախենալով բանտում կորցնել երիտասարդ տարիներ՝ Զեմը դիմում է փախուստի՝ հոր հին ճամպրուկը ձեռքին... Վեպի գրեթե ողջ ընթացքում զգում ենք միֆական Էղիպ արքայի և պարսկական վիշտերգության հերոսների՝ Ռուսամի ու Սոփոկլեսի ներկայությունը, որոնց մոտիվներով էլ զարգանում է վեպի սյուժեն։ Տանյութամյա պատանու շուրթերով պատմվող Էղիպ արքայի առասպելը հետագայում զուգահեռվում է հերոսի կյանքի ու ճակատագրի հետ։

Ինչպես «Էղիպ արքա» ստեղծագործության մեջ, այնպես է այստեղ մեղսագործության մեղմացումը դրսեւորվում է նրանով, որ հորը սպանելուանգիտակցական ցանկությունը իրականության մեջ արտապատկերվում է որպես ճակատագրի պարտադրանք։ Տարիներ անց, երբ Զեմը իմանում է որդու գոյության մասին, ցանկանում է հանդիպել, բայց որդին միշտ հրաժարվում է։ Եվ մի օր էլ, ներկայանալով որդու ընկեր, հորը տանում է նոյն ջրհորի մոտ, որտեղ ժամանակին նա թողելէր վարպետին՝ կարծելով, թե մեռած է, որը, սակայն, ողջ էր մնացելսինետագայում հայրական խրատներ տվել Զեմի որդուն՝ Էնվերին։ Եվ հենց այդտեղ՝ նոյն ջրհորի մոտ, որդին, խելով հոր ձեռքից ատրճանակը, սպանում է նրան և կատարում ճակատագրի պահանջը....

Ինչպես Սոփոկլեսի պիեսում, սույն վեպում ևս, երբ բացահայտվում է ոճրագործությունը, հերոսը այն ճակատագրի վրա չի բարդում և կրում է իր պատիժը [1, էջ 242-296]. Իա, ըստ Ֆրոյդի, թեև բանականության օրենքների համաձայն արդարացի չէ, սակայն հոգերանորեն միանգամայն ճիշտ է։

Վեպի վերջում փակագերը բացվում են։ Իերոսն արդեն բավականին մեծ է, երբ իմանում է, որ իրականում իր հայրն ու Կարմրահեր կինը սիրահարված են եղել, սակայն հանգամանքների բերումով բաժանվել են միմյանցից և ստեղծել իրենց ընտանիքները, որոնք սակայն երկար կյանք չեն ունեցել։ Մի բանի անհաջող ամուսնություններից հետո Գյուրջինյան Կարմրահեր կինը, իր դարչնագույն մազերը ներկել էր կարմիր մազերը կարմիր ներկելը իրար հետևած տարաբախտ սիրո հիշողություններից ազատվելու փորձ էր։ Կինը տարիներ շարունակ թատրոնում էր աշխատում և խաղում Սոփոկլեսի մոր՝ Թեհմինեի դերը։ «Իմ տեսածը կարծես հուշ էր, որն ապրել ու մոռացել եմ։ Կարմրահեր կինը երկու ռազմիկի հետևում կանգնած, տառապում է։ Նա էլ միմյանց սպանել ցանկացող տղամարդկանց պես զջում է... Գուցե այդ տղամարդիկ էլ կարմրահեր կնոջ ու նրա շրջապատի մարդկանց պես մի ընտանիքից էին» [2, էջ 88]։

Այս ներկայացումից հետո հերոսը տարվում է «Ռոստամ և Սոհրաբ»-ի պատմությամբ [3]: Իր ամբողջ կյանքում նա կարդում է այդ պատմությունն ու, շրջերով տարբեր երկրների թանգարաններով, դիտում է իրանական նկարները՝ պատկերված հոր և որդու մենամարտով: Սոհրաբի ու Ռոստամի պատմությունը և՛ ծանոթ էր նրան, և՛ օգնում էր Էղիպի պատմությունը վերստին իմաստափորել: Այս երկու պատմություններում զարմանայի նմանություններ կային, բայց տարբերություններն ավելի ակնհայտ են. Էղիպը սպանում է հորը, Սոհրաբը՝ սպանվում հոր կողմից: Մեկում որդին է հոր մարդասպանը, մյուսում՝ հայրը որդու: Բայց այդ մեծ տարբերություններով էլ ավելի են ընդգծվում նմանությունները. Սոհրաբը, Էղիպի պես, ընթեցնոյն գրեթե միշտ հիշեցնում է, որ հորը չի ճանաչում ու նրան երբեք չի տեսել:

Բոլոր հերոսների մահն էլ միանգամից է լինում, ընթեցնոյի համար անսպասելի. Ռոստամը, երկար մենամարտից ու խարեւությունից հետո, որդուն գետին է տապալում, թուրն արագ խրում մարմնի մեջ, ճեղքում կուրծքն ու սպանում որդուն, Էղիպը «անձանոթ հորը» ճանապարհին վայրկենական հիմար զայրույթի պատճառով է սպանում, նույն կերպ էլ Էնվերը ակնթարթային զայրույթի պահին խլում է հոր ատրճանակն ու դառնում հայրասպան. «Այդ պահին և՛ Էղիպը, և՛ Ռոստամը չեն հասկանում ինչ են անում: Կարծես Աստված մի պահ խլում էր հայրերի և որդիների խելքը, որպեսզի կարողանան իրար հանգիստ սպանել» [2, էջ 168]:

Եվ Էղիպը, և՛ Սոհրաբը կորած հայրերին փնտրելիս իրականում իրենց քաղաքից են հեռանում ու դավաճանի կարգավիճակում հայտնվում: Երկու պատմության մեջ էլ ոչ թե ազգային արժեքներն ու ազգային զգացմունքներն են շեշտվում, այլ ընտանիքի, արքայի, հոր ու դինաստիայի կապվածությունը: Այդ պատճառով այդ դիենայի վրա շեշտ չի դրվել, բայց հայրերին փնտրելիս և՛ Էղիպ արքայազնը, և՛ Սոհրաբը իրենց երկրների թշնամիների հետ են համազործակցել ու չեն կարողացել խույս տալ ի վերուստ որոշված ճակատագրից. նույն ճանապարհնեանցնում նաև Էնվերը՝ դանդաղ մոտենալով ոճրագործությանը: Չնայած բոլոր խեղորդ զգացմունքների՝ մեղքի ու զղման, այնուամենայիվ գլխավոր հերոսը միշտ հետ է կանգնում Օնզյորեն գնալու զաղափարից, քանզի Սոհրաբի ու Էղիպի պատմությունները տարիներ շարունակ կարդան ու քննարկելը իր ազդեցությունն էր թողել. սկսել էր վախենալ, բացի այդ. «Օնզյորեն գյուղաքաղաքում մամկության հերքարժերի պես ինչ-որ չարագուշակ բան կա կարծես...» [2, էջ 173]:

Հանգամանքների թերումով Զեմք գնում է Օնզյորեն և հենց այդ ժամանակ է, որ վարպետ Մահմուդի և սեփական մեղքի հետ առելեսվելու վախը երեսուն տարի անց վերածվում է որդու հետ հանդիպելու անհանգստությանը: Վեպում չկա մի էջ, որտեղ շիշատակվի հայր՝ իր կերպարի ամբողջությամբ. հոր կերպարն ամենուր ուղեկցում է ընթեցողոջին և վերջում ասվում է, որ «հայրը երեխային ստեղծելուց հետո որդուն մինչև կյանքի վերջը պաշտպանող, նրան տեր կանգնող ուժեղ, սիրալիր մարդ է: Աշխարհի սկիզբն ու կենտրոնն է: Եթե քեզ լավ ես զգում, գիտես, որ նա կա, որ գալու է ու քեզ սիրով պաշտպանելու է... Եթե առանց հոր ես մեծանում, չես հասկանում, որ աշխարհին ունի կենտրոն ու սահմաններ, կարծում ես, թե կարող ես ամեն ինչ անել: Բայց հետո չես իմանում ինչ անել, փորձում ես աշխարհում իմաստ, կենտրոն փնտրել, գտնել մեկին, ով քեզ կասի՝ ո՞չ» [2, էջ 223]: Հենց այստեղ է, որ բացվում են հերոսի որդու՝ Էնվերի զայրույթի գլխավոր փակագծերը. այն ոչ թե հայրն է, այլ՝ անհայրությունը:

Օրիան Փամուկը իր ստեղծագործության մեջ միֆի տարրեր ձևեր է կիրառել, որոնցից մեկն էլ երիտասարդ տղայի անտառապահ դառնալն է, որտեղ էլ կնքվում է նրա ճակատագիրը, հանդիպումը վարպետի հետ, ապա ջրիոր փորելը: Ինչպես գիտենք, շատ դեպքերում անտառը խորիրդանշում է մեջալների աշխարհ տանող ճանապարհը: Այսինքն՝ անտառի միջով հերոսը տեղափոխվում է դեպի ջրիոր՝ անդրաշխարհ: Հաճախ ջրիորը բացատրվում է որպես կապ անցյալի հետ և կապ անդրաշխարհի հետ: Երկու իմաստներն ել դրսւորված են վեպում: Առաջին աղերած՝ կապ անցյալի հետ, պարզվում է այն ժամանակ, երբ տարիներ անց իմացվում է, որ գլխավոր հերոսի՝ Զեմի հայրը և Զեմի որդու մայրը՝ Կարմրահեր կինը, ունեցել են սիրո պատմություն: Խորիրդանշական է նաև այն փաստը, որ հերոսը այնքան ժամանակ չի իմանում, որ այդ ջրիորից ջուր է գտնվել, որքան ժամանակ չգիտեր, որ որդի ուներ: Այսինքն՝ որդու և ջրի իմաստները միաձուլվում են. այն է՝ նոր կյանք:

Վեպում առկա են նաև Ֆրոյդի երազաւեսության տարրեր: Հենց երազի միջոցով է, որ Աշեն՝ Զեմի կինը, իմանում է սքողված «մարդասպանի» ինքնությունն ու փորձում արագորեն հասել ամուսնուն որպեսզի կանչի ոճիրը, բայց ուշանում է...

Վեպի վերջում տեսնում ենք լացող կնոջ երկու կերպար. ինչպես Սոհրաբի մոր, այնպես էլ այս երկու կնոջ լալահառա ողբից աշխարհը լույն էր. այժմ ամբողջ աշխարհն այդ ջրիորի պես լուս էր...

Վեպի ժամրին տիրապետելու իր հմտություններով ու կիրառված բոլոր ինքնատիպ

լուծումներով հանդերձ՝ Փամուքի վեայի գրավչության ամենամեծ զաղտնիքը իր նյութի հանդեպ դրսևորած անսահման սերն է:

Ցուրաքանչյուր հերոսի Օրիան Փամուքը վերաբերվում է որպես իր հարազատ որդու: Հաճախ է, ինչպես այս առեղծազործության մեջ, հեղինակը խաղարկում է իր կերպարը՝ Էլ ավելի առեղծվածային ու խորքային դարձնելով վեարը:

Վեարի կերտման կարևոր բաղադրիչներից է սերը, սերը ոչ միայն կնոջ և տղամարդու միջև, այլև անհաս ու չստացած սեր հայրերի և որդիների միջև, որի բացակայությունը անմիջական կերպով ազդում է կյանքի ու կերտվելիք բնափորության վրա, փոխում է ճակատագիրն ու ապրելիք տարիների իմաստը:

Վեարը ուղղակի և անուղղակի կերպով նոյնացնելով արևմտյան և արևելյան գրականության երկու զարդերի՝ «Էդիա արքայի» ու «Ռոստամ և Սոհիրարի» հետ՝ Փամուքը հանգում է այն եզրակացության, որ ոչ ոք չի կարող փախչել իրականությունից... Այսպիսով՝ ճակատագրապաշտությունը դիտարկելով որպես վեարի կարևոր ու գլխավոր մոտիվ՝ գրողը

հերոսի ձեռքն է տալիս ճակատագրի կողմից նախատեսված կարմիր կծիկը, որի թելը ամբողջ պատմության ընթացքում ուղեկցում է հերոսին ու հասցնում մինչև պատմության սկզբնավերջը՝ շրիորը:

Օգտագործած գրականության ցանկ

1. **Հին հունական ողբերգություններ,** Երևան, 1999, - 508 էջ:
2. **Փամուք Օ.**, Կարմրահեր կինը: - Երևան, 2017, - 268 էջ:
3. **Ֆիրդուսի, Շահնամե:** - Երևան, 1975, - 525 էջ:
4. **Ֆրոյդ Զ.,** Հոգեվերլուծության ներածություն: - Երևան, 2002, - 470 էջ:
5. https://hy.wikipedia.org/wiki/%D5%95%D6%80%D5%BA%D5%A1%D5%B6_%D5%93%D5%A1%D5

Ծданա/Հանձնվել է՝ 13.05.2020

Рецензирована/Գրախոսվել է՝ 16.05.2020

Принята/Հնդունվել է՝ 19.05.2020